

广东通志

广东通志

廣東通志卷二百九十一

甲子重刊

列傳二十四

惠州二

葉春芳

湯相

殷伯固

李鵬舉

葉春及

陳吾德

胡世祥

張政熙

李學一

葉夢熊

張榮

李學顏

李燾

楊起元

黃讓

子啟愚

啟魯

薛克炫

羅大魁

韓鳴鳳

韓鳴金

韓鳴鸞

車鳴時

張萱

韓擢

黃需

黃流芳

黃縉

錢萬選

劉兆元

曾舜漁

韓日纘

馬叔康

韓晃

巫子肖

黃鼎臣

陳正蒙

葉逢春

陳運

黎遵指

阮一道

姚恭

張燦

鄭洪猷

黃世耀

葉高標

巫三祝

任宗武

父道遠

子琪璿

翟紹高

駱斌

子鳴雷

歐大聰

歐治

駱兆運

明以上

黎允吉

鄺奕垣

李逢祥

姚子莊

龔克孝

子章

彭廣皇

徐斯夬

黎應時

黃易

謝復培

黃道奎

龐維則

吳文奎

嚴淑虞

謝特詮

湛上錫

何以平

黃應熊

廖貞

李常茂

顏希深

韓榕

羅定貴

劉光時

朱錫光
以上

國朝

明

葉春芳字應元歸善人父標母鄒氏年十九而寡
遺腹生母茹荼鞠之春芳幼而秀發穎悟及長聞
母稱父生平卽灑淚悲泣矢志思報十五試爲郡

庠生督學考輒居首魏莊渠嘗嘉之聘爲社學師
凡七入棘試弗遇選貢遊南監祭酒湛甘泉大說
之遂受學焉日益淬礪嘉靖壬寅謁選授福建古
田縣丞盡却常例不甘於流伍確然有高世之志
院委署旁邑民皆愛戴若父母又署本邑政務大
舉建社學行鄉甲祛虎患禱甘霖三載政平訟理
民歌頌之上司有訝其疎慢者厲聲曰豈不折腰
人耶芳應聲曰兩峯山水當不嫌吾疎慢遂拂衣
歸士民遮畱爲立去思碑歸卽葺永思堂以志孺
慕其志浩然不囿於俗其持己以正治家以嚴臨
財以廉睦族以義與人以忠教子以詩禮族人有

於其少時肆害者置弗較曰吾同祖一氣也豈容
異視耶赴選時有欲爲書薦者曰吾素不事干謁
豈今改節耶其自持如此輕財重義周困恤孤鄉
族共推服之卒年六十三子五人長夢麟由貢生
授如臯縣主簿次夢奎次夢陽次夢熊工部尙書

粵大
記

湯相歸善人字少莘嘉靖癸卯鄉薦第二知龍巖
均地租商稅以補浮糧築新圳以溉民田修城外
堤百八十餘丈以捍水患民德之

福建
通志

以計平巨

寇黃世廣饒宏嵩高廖選等擢貳鄖陽

歸善
志

殷伯固博羅人字汝基嘉靖間癸卯鄉薦知南靖

興學校增置學舍勸富戶出義穀以賑饑嚴禁圖
賴以厚風俗時饒賊張槌倡亂永豐民煽起聚眾
八百餘人直逼縣城伯固單騎出城諭以禍福悉

遁去

福建通志

李鵬舉字起南歸善人父信官江西理問治獄有
陰德

郝志

鵬舉生而慧穎從薛潮陽講學于豐湖遂

究理窟舉嘉靖丙午鄉試兩上春官不第遂罷去
授餘杭教諭力以古師道自任刻正學編以明聖
賢之脈集義訓以正舉業之習立勸善懲惡之榜
以範學者之趨徙學善地崇獎節義又解衣推食
以贍貧生丁憂起補盱眙有叔姪訟久不解理論

之感泣爲肖像于家飲食必祝遷博士通判梧州
政暇則進諸生講明心性之學署懷集容縣增置
學田造士養民多善政未幾遷德府長史歸日與
鄉里子弟猶論學不倦卒祀鄉賢

廣西通志

葉春及字化甫歸善人少倜儻不羣領嘉靖壬子

鄉薦三試南宮不第隆慶初授福清教諭未赴伏

闕上書論時政一曰端治本二曰正士習三曰糾

官邪四曰安民生五曰足國用其目二十有五

郭志

纚纚三萬餘言

明史
艾穆傳

都下翕然謂劉蕡復出之

官教先孝弟忠信所執持卽監司不能奪遷惠安
令以文章飭吏治公牘教令無不手裁者毀淫祠

五百區郭志隱士康朔孝子王定民皆躬至其廬禮

焉福建通志民訴賦不平弓境內田均之以是忤權貴

三載求去會擢守賓州軍民詣闕畱撫臣亦疏請

不許郭志民愛之如慈父歌之曰葉君爲政惟飲吾

水設施不煩五風十雨明詩綜旣而忌者匿賓州檄

令不得赴則罪以逃且列大計遂和陶潛歸去來

辭拂衣歸羅浮治逃庵而居有司爲闢石洞書院

置田贍從遊諸生名譽日起屢登薦剡銓部竟以

大計故報罷都御史艾穆薦春及乃召守興國未

赴擢同知鄖陽府遷戶部郎中權稅都下卽中貴

不假擬請覈九邊屯田具疏未上卒春及剛方廉

介學行表表一時所為文高古雄偉出入秦漢所

著有綱齋集肇慶順德永安惠安諸志郭志

陳吾德字懋修歸善人明史本傳郭嘉靖三十

一年壬子鄉薦葉春及四十四年成進士授行人

明史奉使授蜀汶川王冊建豐城李尚書坐皆無私

交在豐城與李中丞孟成論學為莫逆交行隆慶

三年擢工科給事中兩廣多盜將吏率虛文罔上

吾德列便宜八事明史明賞罰復兵防議舟師禁調

出補假貸覈虛冒慎撫勦卹忠勞行狀皆允行明史蓋

自內海寇亂皆籍民舟戰守東場之敗皆參將魏

宗瀚盡移入南渡港指揮李茂材力爭不能酋一

本至燬盡茂材死之吾德所切齒也

狀行

明年正月

朔日日有食之已而月復食吾德言歲首日月並

食天之大災陛下宜屏斥一切玩好應天以實

史明

詔遣中官督織造吾德偕同官嚴用和切諫報聞

帝從中官崔敏言命市珍寶戶部尚書劉體乾戶

科都給事中李已執奏不從吾德復偕已上疏曰

伏睹登極詔書罷採辦蠲加派且云各監局以缺

乏爲名移文苛取及所司阿附奉行著言官卽時

論奏治以重典海內聞之歡若更生比者左右近

習干請紛紜買玉市珠傳帖數下人情惶駭咸謂

詔書不信無所適從邇時府庫久虛民生困瘁司

度支者日夕憂危陛下奈何以玩好故費數十萬
貲乎敏等獻諂營私罪不可宥乞極譴斥以全詔
書大信帝震怒杖已百錮刑部獄斥吾德爲民神
宗嗣位起吾德兵科萬厯元年進右給事中

明史卽

劾中貴人鄭真傳內旨官其姪錦衣總督劉燾奸

藏不宜召用

行狀

張居正柄國諫官言事必先請吾

德獨不往禮部主事宋儒與兵部主事熊敦樸不
相能誣敦樸欲劾居正屬尙書譚綸劾罷之旣而
誣漸白吾德遂劾儒亦謫之外居正以吾德不白
已嫌之未幾爭成國公朱希忠贈定襄王爵益忤
居正及慈寧宮後室災吾德力爭

明史

復疏陳五行

休咎江陵詆曰安用腐儒語也

行狀

出爲饒州知府

明史

正風俗作人才廣厲學官談經校藝誘進聖賢

之道爲條教申鄉約頒行於民間勸以爲善去惡

之意其善惡皆有籍行之出於至誠莫不同心願

化禁溺女舉女名以陳姓或以縣減綱罟之徵定

湖港之稅革浮羨遠貨利故事外府不籍以待太

守吾德盡移入內府不私出納鍰金把握易貪夫

便之則以積貯陶天下所印給也春秋之間商舟

輻輳故征於官吏多侵漁邀功因而掩取至是屬

僧常度外無私焉卽欲用予平賈新安賈人列肆

郡中爲質偷兒得物輒以售之喪資之家不能踪

跡有司亦視爲外府不問一切逐之權貴開說不
聽宗室結納有司負勢驕奢難繩以法畏吾德嚴
正皆杜門斂手卽吹笙度曲惟恐明府聞也饒稱
沃壤樂浮德安多山亡命潛匿番餘則濱彭蠡接
九江上流不逞之徒與濤出沒萬年尤盜淵藪吾
德飭什伍鼓勇銳有警掌固扞諸岸戈船扞諸江
三年眠者帖席初至郡城崩百餘雉繕之而城中
皆列柵啟閉狀行有盜建昌王印章者遁之南京見
獲居正客操江都御史王篆坐吾德部下失盜謫
馬邑典史御史又劾其涖饒時違制講學用庫金
市學田遂除名爲民居正死薦起思州推官移寶

慶同知皆以親老不赴

明史

甲申二親終丁亥詔起

同知紹興至則歲饑奸民乘時並興爲亂吾德職
詰盜殲渠魁二人而撫其饑者居五月遷湖廣按
察司僉事分部武昌巨寇劉汝國虞孟新倡亂久
當事者往往坐視幸脫去吾德下車毅然請討別
郡欲專功寡謀僨事則勢益猖乃率師詣壘環甲
督戰士無一不當百己丑春二月大破之劉汝國
虞孟新就擒餘奔遁無脫者上功幕府中丞邵某
雖忌不能掩也冬十二月自黃州行部歸武昌遘
疾二日卒年六十有二吾德長髯偉度望之知非
常人罷歸於有司未嘗通竿牘一鄉利害則急之